



UNIVERSITÄTS-  
BIBLIOTHEK  
PADERBORN

**Vitæ Sanctorum Sacris per singulos anni dies  
Meditationibvs illustratæ**

**Paderbornæ, 1697**

S. Ludvvina Virgo. 14. Aprilis.

---

[urn:nbn:de:hbz:466:1-62968](#)

168. [o]  
S. LUDVVINA Virgo.

14. Aprilis.

*Libenter igitur gloriabor in infirmitatibus meis 2. Cor. 2. c.*

LUDWINA formam obesse castitati vi-  
dens, dignum Virgine rata est votum,  
deformitatem à coelo petere. Audiit hoc, &  
omnia morborum examina misit: ijs ita om-  
nis gratia defluxit, ut nemini jam placeret  
cadaver domum ducere; sed sic illa demum  
formosa CHRISTO visa est. hic ex amanti-  
bus solus iam ægræ cum Matre assidere;  
folius amoris sui & patientiæ symbola per An-  
gelos lectulum ambientes ostentare: quo-  
rum certè unâ recordatione LUDWINA cru-  
ciatus suprà, quam dici aut credi potest, gra-  
ves, facile tamen omnes redimebat. Geni-  
um Tutelarem ducem ad ea loca, quæ Chri-  
stus olim præsentia suâ nobilitavit, ad pur-  
gantes item flammæ & beatas sedes habuit.  
Ab eodem donum è primi parentis horto  
lignum tulit odore nobile: ut inde una  
jam vel virginitas, vel patientia sperare quid  
posse videatur; in subsidium pauperum, ip-  
sa pauperrima, peculium tamen corrogabet,

R. 4.

jesu

& Iesu crumenam dicitabat, cui profecto omnes, cum audient avari, invidebunt, quippe quæ exauriri nunquam potuit. Homini facinoroso suasit, plumis in unum latus noctem inscumberet. Risit ille, sed cum hoc in plumis non posset, ne in flamnis olim cogatur, flevit deinceps. At LUDWINA Anno Christi MCCCCXXX. ægritudinis assidue ac multiplicis XXXII X. cum id dolorum incrementum impetrasset, ut ignibus nihil superesset piandum, mortua tandem est, vel, ut rectius loquar, tandem desijt mori.

Ex Ioan. Brugman

### M E D I T A T I O

#### *Quo animo ferre debemus morbos.*

I. **M**orbus est donum Dei, quod sacerdotium nobis utilius est, ipsa sanitatem; consulto siquidem hunc morbum immittit Deus, vel ut puniat peccata commissa, vel, ut deterreat a committendis, vel denique, ut patientiam nostram probet, & merendi praebeat occasionem. Si quereres ex conscientia tua, cur hoc morbo cruciaris? haud dubie intelligeres, hoc morbo te affligi, ut virtus tua relinquas, & imposterum sanctior fias: nam morbus parens est multarum virtutum. Non ergo nobis dolenda est hac afflictio infirmitatum, quam intelligimus, warrem esse virtutum, Salv.

2 Fer patienter languores, dolores, quibus eraris, imò hilarem animum praete feras, & cum divinâ voluntate omnino consentientem. Cùm autem velit Deus, ut humanis remediis utaris, praesta te facilem & obedientem medicis, aliisque, quia tui curam gerunt. Qui magno laborat, multas habet occasiones exercendæ virtutis. Utere diligenter tam pretiosis occasionibus.

3 Ne sis tu querulus in morbis tuis, impatiens, molestus. Existima, esse te in lecto, ut in cruce considera patientiam Christi in cruce morientis, & eam imitare. Considera pariter animas, quæ levia propter peccata tam dura patiuntur in ignibꝫ purgatoriis: Et memineris justum patientiam ab iniquo secerni. In adversis per impatientiam queritus. Quod blasphemat injustus, patientiam justus probatur. Cypri-

## S. EUTYCHIUS Martyr.

15. Aprilis.

Oportet enim contemptibile hoc induere incorruptionem, & mortale hoc ad immortalitatem.

Epist. I. ad Coloss. 15. c.

**H**oc die Ferentinates EUTYCHIUM Martyrem colunt, etsi ubi, aut quando animam posuerit, nesciant annales. Sed hæc Fasti olim cœlestes loquentur, nam isti

R,

istis